



CONVOCATORIA E BASES REGULADORAS ESPECIFICAS PARA A CONCESION DE DOUS PREMIOS AO ESFORZO ACADEMICO NO CURSO 2018/2019 PARA ESTUDANTES UNIVERSITARIOS

Primeira. Natureza, obxecto e créditos orzamentarios

O obxecto das presentes bases é regular a convocatoria pública en concorrencia competitiva, que no exercicio das súas competencias e de conformidade co disposto na Lei 38/2003 xeral de subvencións e nas Bases de Execución do Orzamento Municipal para o exercicio 2019, efectúa o Concello de Oza-Cesuras para a concesión de dous premios aos dous mellores expedientes académicos do curso 2018/2019 para estudante universitarios, como acción de recoñecemento e impulso dos estudos universitarios.

O presente expediente está suxeito á dotación presupostaria do exercicio 2019 dentro da partida 326.48000, sendo a consignación orzamentaria de 3.000,00 €.

Segunda. Beneficiarios, requisitos e xeito de acreditación.

Para optar aos premios de mellores expedientes académicos deberán reunirse os seguintes requisitos:

2.1- Estar empadroadado ininterrompidamente no Concello de Oza-Cesuras cunha antigüidade mínima de seis meses. Esta circunstancia que deberá cumprirse no último día do prazo de presentación de solicitudes, será comprobada de oficio polos servizos municipais.

2.2- Ter estado matriculado en ensino universitario no curso 2018/2019. Esta circunstancia acreditarase mediante fotocopia da matrícula.

2.3- Asistir regularmente ás clases. Esta circunstancia acreditarase mediante a declaración responsable incluída no formulario de solicitude.

2.4- Cumprimento dos requisitos previstos no artigo 13 da Lei 38/2003, de 17 de novembro, xeral de subvencións. Esta circunstancia acreditarase mediante a declaración responsable incluída no formulario de solicitude.

Terceira. Contía e criterios de selección.

A contía dos premios é de 2.000 euros para o expediente académico coa nota media máis alta e de 1.000 € para o que teña a segunda nota media máis alta. Establécese como requisito mínimo unha nota media de notable. Será válida a nota media simple reflectida no expediente académico.

A concesión destas axudas queda limitada polas dispoñibilidades presupostarias do Concello para estes fins.

Cuarta. Órgano competente

O órgano instrutor do procedemento aos efectos do artigo 24 da Lei 38/2003 será a





Concelleira delegada na materia.

O órgano Colexiado aos efectos do artigo 22 da Lei 38/2003 será a Comisión Cualificadora, que estará constituída por unha Traballadora Social, a Educadora Familiar, un funcionario/a e a Concelleira delegada na materia.

O órgano competente para a concesión das bolsas é o Alcalde-Presidente ou órgano no que delegue, previa proposta da Comisión Cualificadora.

Quinta. Prazo de presentación de solicitudes e documentación a xuntar

5.1.- O prazo de presentación de solicitudes rematará o vindeiro 5 de decembro de 2019.

5.2.- As solicitudes deberán formularse segundo o modelo oficial que figura como Anexo I dirixido ao Sr. Alcade do Concello de Oza-Cesuras, e que se presentará no Rexistro Xeral do Concello de Oza-Cesuras, en calquera das sedes de Oza dos Ríos e Cesuras, telemáticamente na sede electrónica do Concello de Oza-Cesuras, con certificado dixital, ou por calquera dos procedementos que prevé o artigo 16.4 da Lei 39/2015, do 1 de outubro, de Procedemento Administrativo Común das Administracións Públicas (LPACAP). No suposto de que a instancia non se presente no Rexistro Xeral do Concello o solicitante deberá remitir copia da solicitude ao Fax 981 792025 antes do remate do prazo de presentación das solicitudes. Á solicitude deberá acompañarse os seguintes documentos:

- Impreso de solicitude debidamente cuberto, no que se asinará unha declaración de que a documentación presentada concorda cos orixinais, que terá que ter no seu poder no prazo de catro anos para calquera comprobación que se lle requira.

- Certificación académica persoal, sendo requisito necesario que sexa orixinal ou fotocopia conformada co orixinal, na que se exprese a denominación e número de materias que integran o plan de estudos, especificándose se son anuais ou cuadrimestrais, a cualificación obtida e o número de créditos que a integran. Se se opta ao premio no último ano de carreira deberá acreditarse, naquelas titulacións para as que sexa necesario, teren realizado proxecto de fin de carreira, será imprescindible que figure na certificación académica a data de avaliación do proxecto e o curso académico no que foi superado.

- Breve currículum vitae con indicación, no seu caso, dos premios e becas que lle fosen concedidos e méritos que desexe alegar, acompañado da documentación correspondente.

- Fotocopia resgardo da matrícula do curso 2018/2019.

- Certificado do núm. de conta bancaria a nome do beneficiario onde realizar o ingreso da bolsa.

Sexta. Procedemento de concesión de axuda.

Unha vez rematado o prazo de presentación de solicitudes, serán valoradas pola Comisión Calificadora a totalidade das solicitudes presentadas, que emitirán un informe proposta de concesión/denegación e logo procederase a súa aprobación polo órgano competente.





Establécese un prazo de resolución de tres meses contados a partir do día seguinte ao remate do prazo de presentación de instancias. De producirse silencio administrativo entenderase denegada a solicitude.

Sétima. Pago

O pago dos premios efectuarase por transferencia bancaria, para o cal o solicitante deberá presentar o número de conta onde quere que se lle ingrese a dita axuda, acreditando esta conta mediante certificación bancaria entregada coa solicitude.

Oitava. Xustificación

En función do obxecto da subvención e a súa natureza de bolsa enténdese xustificada a mesma pola concorrencia dos requisitos establecidos no punto segundo da presente convocatoria. En calquera caso o beneficiario ten a obriga de facilitar toda a información que lle sexa requerida pola intervención do Concello, Tribunal de Contas ou Consello de Contas no exercicio das súas funcións de fiscalización e control do destino das subvencións.

O beneficiario ten a obriga de reintegro dos fondos no suposto de incumprimento dos requisitos e obrigas establecidas para a concesión da subvención, e, en todo caso, nos supostos regulados no artigo 33 da Lei 9/2007, de 13 de xuño, de subvencións de Galicia.

Novena. Compatibilidade

A presente subvención é compatible con outras que para a mesma finalidade poidan concederse por entes públicos ou privados aos beneficiarios cos requisitos previstos na base segunda.

Décima. Recursos

A resolución que resolva o procedemento poñerá fin á vía administrativa e, contra a mesma o interesado poderá interpor os recursos que se indican a continuación:

- 1 Recurso potestativo de reposición, ante o órgano que ditou o acto recorrido, no prazo dun mes a contar dende o día seguinte a aquel no que se notifique ou publique a resolución, de conformidade co establecido nos artigos 112 e 124 da Lei 39/2015 do 1 de outubro, de Procedemento Administrativo común ds Administración Públicas.
- 2 Directamente, recurso contencioso administrativo, ante o órgano competente da xurisdicción do Contencioso Administrativo, no prazo de dous meses a contar dende o seguinte a aquél no que se notifique ou publique a resolución, en aplicación do disposto no artigo. 46 da Lei 29/1998, de 13 de xullo, Reguladora da Xurisdicción do Contencioso Administrativo.
- 3 Todo elo, sen perxuicio de que o interesado interpoña calquera outro recurso que estime pertinente.

En Oza-Cesuras, na data da sinatura electrónica
O Alcalde,
José Pablo González Cacheiro





ANEXO I SOLICITUDE

DATOS DO/A SOLICITANTE

Nome e apelidos		NIF/NIE	
Enderezo			
Concello		C.P.	
Teléfono fixo		Teléfono móbil	

- Actuando en nome propio.
- Representado, en calidade de _____ a:

Nome e apelidos		NIF/NIE	
Enderezo			
Concello		C.P.	
Teléfono fixo		Teléfono móbil	

SOLICITA:

Que se teña en conta a presente solicitude para optar á concesión de un dos DOUS PREMIOS AOS DOUS MELLORES EXPEDIENTES ACADÉMICOS DO CURSO 2018/2019 PARA ESTUDANTE UNIVERSITARIOS.

DOCUMENTACIÓN QUE SE ACHEGA:

- Fotocopia do DNI.
- Fotocopia do resgado da matrícula do curso 2018/2019.
- Certificación académica persoal sendo requisito necesario que sexa orixinal ou fotocopia conformada co orixinal, na que se exprese a denominación e número de materias que integran o plan de estudos, especificándose se son anuais ou cuadrimestrais, a cualificación obtida e o número de créditos que a integran. Se se opta ao premio no último ano de carreira deberá acreditarse, naquelas titulacións para as que sexa necesario, teren realizado proxecto de fin de carreira, será imprescindible que figure na certificación académica a data de avaliación do proxecto e o curso académico no que foi superado.





Asdo.: _____

SR. ALCALDE DO CONCELLO DE OZA-CESURAS

ANEXO II

DECLARACIÓN RESPONSABLE

(a cubrir por todos os solicitantes)

Eu, don/dona

con DNI núm. _____, veciño/a de Oza-Cesuras

DECLARO que:

1º- Cumpro os requisitos previstos no artigo 13 da Lei 38/2003, de 17 de novembro, xeral de subvencións, e no artigo 10 da Lei 9/2007, de 13 de xuño, de subvencións de Galicia.

2º- Asisto regularmente ás clases do ensino universitario no que estou matriculado/a.

3º- A documentación achegada para a concesión dos premios é exacta e fiel ás miñas circunstancias actuais, tanto persoais como económicas.

4º- Comprométome a conservar a documentación orixinal durante un período de 4 anos.

Oza-Cesuras, _____ de _____ de 201__

Asinado,





DILIXENCIA

Exténdoa eu, Secretario, para facer constar que as anteriores bases reguladoras foron aprobadas por acordo da Xunta de Goberno Local deste concello en sesión celebrada o pasado 15 de novembro de 2019.

Oza-Cesuras, na data da sinatura electrónica

Asdo.- José C. Sánchez Presedo

